



Дмитрий Степанович Паршуков



Василий Васильевич Пименов



Вениамин Иванович Попов



Анна Карповна Пронина



Екатерина Ивановна Чувьюрова



Александр Кириллович Шахов

(Пом. Зав. 3 лист бокын).



Война пансян воын сиктысь айловъясёс фронт выло нуём бõрын Евдокияёс, кыдзи и мукõд нывбабаясõс, индисны кер дорõ. Шоньд паськõм эз вõв, новлис батыслысь ротсьõм нин, дõмас вылын дõмаса гач, гынсапõг пыдди - ас вурõм кõм, кодõс косьтылис бишур дорын. Ыли муысь мõдõдõм йõз, кодъяскõд уджалис, сийõс век жалитисны.

- Отчыд õдва эз пуксьõдны тюрмаõ, - висьталис Евдокия Петровна. - Кер кыскалысь вõвъяслõн бырис турун да лун-мõд ваялим колхозлысь. Сийõ лунъясõ уджõ эз суйны, лыддисны прогулõн. А прогулысь сийõ кадõ юавлисны стрõга. Миянõс пыдди мыждисны юралысь Опаринõс да нуисны дзескыднõ.

Õти рытõ Евдокия кõтасьõм кõмсõ пунктис косьтыны пач дорõ. Кодкõ вештыштõма да сийõ сотчис. Кõмавны вõли нинõм. Кокас гартлис дõратор да вõлõн мунис гортас. Мамыс юõртис, мый воис гижõд: мõдõдõны велõдчыны трактористõ. Мõдõдõны кõ - быть кывзысь. Ёгор вокыс кыськõ корсис лõччыны карõ гынсапõг.

Районысь мõдõдисны 14 нылõс да õти зонмõс. Велõдчисны 1942 вося декабрьянь 1943 вося майõдз. Локтõм мыстыис пыр жõ пуксьõдисны гõр выло. А гõрис «Нати» тракторõн ськõд õтшõтшъя Елена Попова. Арнас пунктисны трактористõс вежысьõн. Паськõдисны муяс. Асьныс пõрõдисны да кыскалысны пуяс, бертисны мыръяс.

- Гõра-кõдза дырйи пõсьõдлис, - водзõ сёрнитис олõма ань. - Муртса водыштлан рõмыд кадõс, водз асывнас уполномоченнойяс чуксалõны нин удж выло. Котõртан му выло куим километр сайõ: тракторõс сулõдõн сәни, мед видзтыны ломтас.

Нельõд онас Евдокиялы сетисны У-2 трактор. Сы вылын уджавны вõли кокниджык, задание вевтыртлис кык пõв. Вермõмъясысь вичмõдлисны премияяс, козынавлисны платтьõ да костюм дõра.

Тõвнас механизаторъяс Немднын дзоньталисны тракторъяс. Тани и аддзысис õндрейкõд, кодõ лоис верõсõн. Сийõ веськõдлис трактористъяслõн бригадõн. Отлаасьõм бõрын трактор выло пуксьыны эз ләдз.

- Вочасõн олõм кокнялыштис, но война вайис йõзлы ыджыд шог, - шуис Евдокия Петровна. - Пõгибнитис Михайлõ вок. Ёгор вок чорыда ранитчõм бõрын воис гортõ китõг. «Няныд эм, но сәйны оз ләдз Сталин» кывъясысь во кежлõ пуксьõдисны Силангий вокõс, кодõ кувсис Ухтаса лагерын.

Евдокия Петровнаõс пунктисны складовщикõн, сәсся индисны заправщикõн, могмõдис колхозьясõс карасинõн. Вайлисны сийõс баржаõн да ректылисны вит судта ыджыд тшанйõ. Вылиас кайõм бõрын бергõдчис юрыс, но гумлалис гез йылõ пысалõм ведрõн, луннас кавшасьлис некымынысь.

Бõртиджык уджалис сельпоын складовщикõн, совхозын кукуан видзысьõн, клубын пелькõдчысьõн. Овлис, мый õти кадõ вõчис некымын удж, медым вердны да пасьтõдны вит челядьõс. Кыпõдисны выль керка, вайõдисны вевт улõдз. Но колис помавтõг, сы вõсна мый верõсыс кувсис. Со кыдзи. Сельпоõ вайисны кирпич да гозья удитисны кольõдны. Верõсыс сõвтис трактор дõддьõ. Сәки кирпич коддьõмсыд вõли сьõкыд да верõс вылас уськõдчисны морт кызьõн. Миянлы пõ колõ жõ. Босьтчис ләччыны додь вылысь, но кытчõкõ

пысасис, усис трактор гусеница выло юрнас да пыр жõ и кувсис.

Евдокия Петровна помõдз вайõдны керкасõ эз вермы да вузалис. Õни на олõ ичõтик важ керкаын. Челядь быдмисны, разõдчисны.

- Õти кадõ курыдторйõн видли пальõдны шогõс, но бõр дугõдчи, кутисны челядь да удж. Ачым пуктысьли и потшысьли. Õни, 87-õд ар тыртгõн, эбõсõй абу нин. Внук-внучкаяс отсасьõны, найõ менам 23-õн, шуис олõма ань.

Сиктса администрациясянь кõйысисны дзоньтавны керкасõ кыдз тылын уджалысьлы. Õни откодьясьõ Великой Отечественной войнаса ветеранкõд. Чайтам, локтан тõлыс Евдокия Петровналы лоас шоньд.

Галина НЕСТЕРОВА.

НЕМЕЧЬЯСЛÕН КАБЫРЫН

Победа лун водзвылын висьтышта Ярашгьюысь Надежда Павловна Нехорошева йылысь.

Сийõ чужлис 1928 воын Смоленскõй областьса Дропцяны деревняын. Семьяын вõли õкмыс челядь, олисны гõлиника. Батыс вõли колхозса юраласьõн, тшõкыда шулис, мый паняс война. Быдлаын, тшõтш и налõн деревня дорын, войнаõдз бура водз на салдатъяс кодйисны окопъяс.

Войнаõдз ньõбисны орчча Фалисово деревняысь керка да кõйисны вуджõдны асланыс деревняõ, но падмõдис война. Ковмис орчча сиктõ вуджны аслыныс.

Война суис уджалгõн, весалисны ёгысь свеклõ. Пыр жõ кутисны босьтны фронт выло. Надежда Павловна помнитõ, мый лун и вой ләбалисны самолётъяс. Асланым ли немечьяслõн - тõдмавлисны шы серти.

Смоленщинаõдз немечьяс локтисны õдийõ. Налõн деревнякõд орччõн кыр йылын моз вõли Мякишино деревня. Буретш сәти помасьлытõм визьõн мотоцикльяс вылын мунисны немечьяс. Кутшõм ләк вõчõны тайõ кõинъясыс, деревняса олысыс тõдмалисны асьныс. Нель кымын верстсайса Коровино деревняын олис Надежда Павловна мамлõн Григорий вокыс, кодлы вõли 60 арõс. А сылõн пыис вõли партия райкомса секретарõн. Фашистъяс аддзисны налõн сарайысь 12 винтовка. Григорийõс лыйлисны кильчõ вылас петгõн, керкаыскõд тшõтш и сотчис.

Кор бомбитисны Смоленск, карсõ югзьõдисны прожекторъяс. Тайõ бура тыдалис Фалисовоõдз. Кывсис, мый немечьяс вайõны йõзõс тõти деревняысь, то мõдысь. Сидз, Монастырщина сиктысь, кодõ вõли сизим километр сайын, лыйлисны зәв уна еврейõс. Асьнысõ и тшõктисны кодйыны ыджыд гусõ. Лыйлõм да гуалõм бõрын муыс легис бура дыр на.

Немечьяс ветлõдлисны вылын юрõн, ставõн полисны наысь, но немечьясысь на ләкõсь вõлины полицияяс, абутõ эз тõдны. Пыррасны да, быть ләпты аскур да сәянтор. Отчыд весиг мыйыськõ нойтлисны Надежда Павловналысь батысьõ.

1942 вося тулысын отсалис картофель, кодõ кольлис колхозлõн кертõг нель гектар вылын. Кытчõдз эз сисьмы дзикõдз, сыысь пõжавлисны шанья сямаõс. Войналõн мõдõд воõ картофель воис жеб да отсалис сю. Батыс вõчис кипом изки да пызь вõчлисны сы отсõгõн. Тойынõн посньõдлисны бобõнянь, шомакор, пу корьяс, нõшта кутшõмкõ быдмõгьяс да сорасьыс бара жõ пõжавлисны сәянтор. Шомакор ваявлисны ваннаõн. Мам тшõктылис вайны луннас куимõс.

Отчыд сю вундисны Тоня чойыс да сылõн Соня да Мария пõдругаясыс. Кутисны да пыр жõ мõдõдисны Германияõ. Сәсянь воисны геждика письмõяс, но уна кыв вõли сьõдõдõма. 1944 воын Тоняõс да Соняõс мездисны Америкаса салдатъяс. А Мария бõрсõ эз лок. Сийõ вõли карса, сьõкыд удж динõ велавтõм да кулис. Кõйисны мõдõдны Германияõ и Нина чойсõ, но сийõ пõдругаыскõд пышйис, олис вõрын, петис бõр сõмын немечьясõс вõглõм бõрын.

Кор немечьяс бõрынтычисны, Беляковъяслõн керкаõ найõ пырисны сы мындаõн, мый омõля

тõрисны. Найõ полисны, õшиньяс тупкисны эшкынъясьõн, õзтывлисны сõмын дзузганъяс. Муниганыс нуисны дзик став эшкын да шоньд кõлуй. Мунисны войнас. Челядь сибõдчисны медьиджыд Варвара чой дорõ, век полисны, мый найõс петкõдасны да лыйласны.

Асывнас петисны ывла выло, аддзисны квайт верзьõмаõс, кодъяс видзõдалисны гуранъяс, сән бокъяс да пуа местаяс. Ставõн повзисны: немечьяс локтõмаõсь бõр, кõсйõны сотны деревнянысõ. Но, вõлõмкõ, тайõ миян разведчикъяс. Бать-мам лõсьõдисны пизан, сюрис и аскур.

Немечьясõс вõглõм бõрын колис кыпõдны кисьтõм овмõс. Тоня сяммис лõсьõдчыны йõзõс вербуйтыськõд да веськалис Москваõ. Нина ловзьõдис Смоленск. Надежда Павловна увйысис Смоленск сайса вõръясын. Сәтчõ босьтлисны некымын тõлысь кежлõ.

Война бõрын чойяс, на лыдын и Надежда Павловна, вõчисны быдсямапõлõс сьõкыд удж, но лов вылысь эз усьлыны. Сы вõсна и вермисны лõсьõдны асьыныс тыр бур олõм. 1952 воын Надежда Павловна вербуйтчõмõн локтис Комиõ да нәм кежлас кольчис татчõ, сы вõсна мый аддзис зәв бур верõсõс, петис фронтõвик Антоний Егорович Нехорошев сайõ. Первойсõ олисны Дорõмакõдж деревняын, уджалисны колхозын, а пенсия выло петõм бõрын вуджисны Улыс Ярашгью посёлкõ. Быдтисны да вежõрсьõдисны квайт челядьõс. Антоний Егорович абу нин ловъя, тõдчисны войналõн «гыжъясыс». Надежда Павловна олõ медя ичõt Анатолий пыислõн семьякõд, вõчõ на верманасõ. Сийõ шуõ: «Позõб вуджны ставсõ - тшыгъялõмсõ и кынмõмсõ, но медя ёна лолыд кулõ полõмõн, пõшти рабõн олõмысь. Мед эськõ некор эз ло сәсся татшõмторйис».

Ольга БЕЛЯКОВА.

Ярашгью.

ВОЙНА ЙЫЛЫСЬ ВИСЬТ



Кольõм нәмся 50-õд воясõ Кулõмдинын вõли драматической театр. Нималис эз сõмын районын, но и республикаын. Пуктылисны спектакльяс эз сõмын юрисктын, но и районса сиктъясын да посёлкõсыс.

- Õни театр эм сõмын Помõсдинын, - висьталис районса культура керкаысь художественной веськõдлысь Е.Д.Гичева. - И ми шуим ловзьõдны сийõс бõр Кулõмдинын. Война панõмсянь 70 во тыран лунõ пуктам районса культура керкалõн сцена вылын нималана гижыс Николай Анкиловлõн пьеса серти «Салдат дõва» спектакль. Õни пõшти быд лун муноны репетицияяс. Дас кыкнан мортыс велõдõны рольяс ыджыд кывкутõмõн. Кыскам ворсõмõ и «Сьõлõмшõръяс» котырõс.

Елена Дмитриевна эскõ, мый ставыс артмас. «Салдат дõва» спектакльõн ветласны и районса сиктъясõ да посёлкõясõ. Сы бõрын босьтчасны дасьтыны выль спектакль коми кыв вылын. Кыскасны театрõ енбиа унджык том йõзõс.

Николай ЛЮТОЕВ.

Авторлõн снимок вылын: муно репетиция.